



Inatsisartuni ilaasortaq  
Kristian Jeremiassen  
Inuit Ataqatigiit

## **Aasianni inissianik isaterinissaq pillugu § 37 naapertorlugu apeqquaqaat**

22-06-2021  
Sags nr.: 2021 - 11331  
ID. nr. 65245722

Asasara Kristian Jeremiassen

Inatsisartut suleriaasianni § 37 naapertorlugu Aasianni inissianik isaterinissaq pillugu Naalakkersuisunut apeqquaqaaqarputit. Apeqquqtitit uannit akineqartussatut innersuunneqarput. Apeqquqtitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqquq 1: Aasianni Wille Brandtvej-imi, Aqqulluk-mi, Nalunnguarfimmilu inissiat isaterniarpat? Imaluunniit nutaanik taarserneqarniarpat?**

Akissut: Naagga, maannarpiaq inissianik isaterinissamik pilersaaruteqartoqanngilaq, taamaalillunilu aamma taartissanik inissialiortiternissamik pilersaaruteqartoqarani.

Inissiat pineqartut 1974-1980-imi sanaartugaapput, taamaattumillu inissiat pisoqaanerusutut taaneqarput. 2012-2014-imi illut amerlanersaanni naqqit oqorsaataat 150 mm-inik ilallugit Namminersorlutik Oqartussanit oqorsaqqinneqarput. Tamatuma peqatigisaanik inissiat tamarmik kissamik pilersorneqarnerinik pitsanngorsaaniarluni illut pilersorneqarneri misissuiffigineqarput. Taamatullu inissiat 25%-iisa missaanniittut uffarfii igaffiilu, 1990-ikkut ingerlaneraneersut tamarmik Namminersorlutik Oqartussanit iluarsanneqarput.

Ukiuni tallimani kingullerni illut ilaasa qaliaasa igalaavi, silami qalliutaat, igalaavi, kiassaataat, imermut ikkuffii, illut iluini majuartarfii, matui silarliit matuillu ilorliit taarsorneqarput. Tamatuma saniatigut illut ilaasa qalissiaat ingerlaavartumik iluarsanneqarput.

Tamatuma saniatigut ilisimatitsissutigineqarsinnaavoq, Namminersorlutik Oqartussani Paasissutissiisarnermut Pilersaarusiortanermullu Sakkussaq (IPV) suliarineqarmat, tassaniippullu Namminersorlutik Oqartussat kommunillu inissiaataat attartortittakkat pillugit paasissutissat tamarmik, siunissami assersuutigalugu inissiani attartortittakkani iluarsaassinerit tullerriaarneqarnissaannut atorneqartussat.

### **Apeqquq 1a: Isaterniarpata isaternissaanut pilersaarut qanorittuua?**

Akissut: Apeqquq 1-imut akissut takuuk.

### **Apeqquq 1b: Inissianik nutaanik sanaartornissaq pilersaarut qanoq ittua?**

Akissut: Apeqquq 1-imut akissut takuuk.

Taakku saniatigut ilisimatitsissutigisinnaavara, Aasianni inissiat 60-it suliariumannittussarsiuunneqaqqammermata, tassanilu inissiat 20-t Namminersorlutik Oqartussanit aamma inissiat 40-t Kommune Qeqertalimmit sanaartorneqartussaapput. Maannarpiaq appasinnerpaamik neqerooruteqartoq isumaqatiginninniarfigineqarpoq, suliasamullu akiminik isumaqatigiissuteqartoqassappat, ukiamut aallartittoqarnissaa naatsorsuutigineqarpoq.

### Apeqquut 1c: Aasiannilu inissiarsiortut qanoq amerlatingippat?

Akissut: INI A/S-imit ilisimatitsissutigineqarpoq, Aasianni Namminersorlutik Oqartussat kommunillu inissiaataannut attartortittakkanut allatsissimasut 746-usut, taakkunanngali inuit 226-t inissiamut utaqqisut allattorsimaffianni utaqqisutut allassimasut. Tassalu inuk ataaseq assersuutigalugu inissiamut marlunnik, pingasunik sisamanillu initalimmut ataatsikkut allatsissimasinnaavoq.

31. maj 2021-mi Aasianni allatsissimasut matuma kinguliani takuneqarsinnaapput:

Kommunit aamma Namminersorlutik Oqartussat inissiaataat, INI A/S-imit aqunneqartut							
31. maj 2021-mi utaqqisut allattorsimaffiat allatsissimasullu							
Aasi aat	Ataats imik initallit	Marlu nnik initalli t	Pingas unik initallit	Sisam anik initallit	Tallim anik initalli t	Allatsissi masut	Utaqqisut allattorsimaffi anniittut <sup>1</sup>
	79	314	218	114	21	746	226

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Naaja H. Nathanielsen

<sup>1</sup> Inuit utaqqisut allattorsimaffianniittut tassaapput illoqarfinni allani innuttaasut, Aasianni najugaqalernissamik kissaateqartut